

## Ҳадис дарслари (218-дарс) Мусулмонча маданиятнинг баъзи белгилари

**Ҳадис**  
ДАРСЛАРИ

**218-ДАРС**

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 15.02.2023 1910

هُنَعُ هَلْ لَّا يَضَرَّ عَدَاتِ قِيَابَ نَع  
هَيْلَعُ هَلْ لَّا يَلَّصَّ يَبْنَلَا نَع  
الْفُ مَكُدَحْ أَلْ أَبْ إِذَا لَقَّ مَلَسَو  
جَنْتَسِي أَلْوِ هِنِي مَيَّبُ هَرَكَ ذُخْ أَي  
يْفُ سَفَنْتِي أَلْوِ هِنِي مَيَّب  
لُؤْصُ أَلَا ، هَسْمَخُ لَّا هَذِهِ يَوْرَ عَانِ أَلَا  
هَسْمَخُ لَّا

Абу Қатода розияллоҳу анҳудан ривоят қилинади:

«Набий соллаллоҳу алайҳи васаллам:

«Бирортангиз бавл қилса, закарини ўнг қўли билан ушламасин, ўнг қўли билан истинжо қилмасин, идиш ичига нафас олмасин», дедилар».

Ушбу беш ҳадис беш асл китобда ривоят қилинган.

Бу ҳадисда Пайғамбаримиз соллаллоҳу алайҳи васаллам сиз билан биз, мусулмонларга учта одобни ўргатмоқдалар. Улардан иккитаси хало одобларига, биттаси овқатланиш одобларига тегишлидир.

1. «Бирортангиз бавл қилса, закарини ўнг қўли билан ушламасин».

Чунки ўнг қўл ҳалол-пок нарсалар, таом учун, нопок нарсаларни ушлашга эса чап қўл ажратилган. Шунинг учун ҳам бавл қилган пайтда закарни ўнг қўл билан ушламаслик керак.

2. «Ўнг қўли билан истинжо қилмасин».

Яъни қазои ҳожат қилган одам орқа-олдини ўнг қўли билан эмас, чап қўл билан тозаласин.

3. «Идиш ичига нафас олмасин».

Яъни, бирор идишдан ичимлик ичганда унинг ичига нафас олмасин, идиш ташқарисига қараб нафас олсин.

Бу одобларга доимо амал қилиш лозим. Агар айтиш жоиз бўлса, бу нарсалар мусулмонча маданиятнинг белгилари, мусулмонларни бошқалардан ажратиб турадиган хусусиятлардандир.

**«Ҳадис ва ҳаёт» китоби асосида тайёрланди**